

nibus ab eo baptizatis? &c. affirmativè. Quia ut pro uno, ità pro singulis nullum habetur fundamentum certum Baptismi adepti. Hinc omnes omnino rebaptizandi sunt sub condicione. Gob. n. 699. Lug. Dicast. &c.

## C A P U T II.

## De Baptismi Administratione.

## A R T I C U L U S I.

## De Ministro.

**Q.** 1. *Quis sit minister Baptismi solennis,* i 17  
*seu talis, qui cum prescriptis ceremoniis peragitur?* &c. Munus hoc primum convenire Episcopis respectu totius diœcesis; Parochis verò, & eorum Vicarijs, tametsi Diaconi forent, respectu suæ Parochiæ. Bonac. de Sacram. D. 2. q. 2. p. 2. n. 2. Laym. lib. 5. tr. 2. c. 7. n. 2. ubi infert, graviter peccare Parentes, si prolem suam Parocco alieno absque licentia proprij baptizandum offerant. Parochus etiam alienus graviter peccat, non incurriendo tamen irregularitatem, si absque expressa, aut rationabiliter presumpta licentia baptizet. Excipe casum necessitatis, si proprius Parochus absit, nec facilè haberi possit. Sà. v. *Baptismus.* Hanc licentiam etiam habere debent Religiosi, aut eam sibi ab Ordinario impetrare; Diaconus quoque licite baptizat, habitâ à Parocco facultate. Ut verò

verò Parochus hanc det, causa requiritur, e. g. multitudo baptizandorum, Parochi infirmitas, excommunicatio &c. ob quam nec per se, nec per substitutum sacerdotem satisfacere possit. Barb. de officio Parochi. c. 18.

**118 Q. 2. *Quam pœnam incurrat solenniter baptizans, si non sit sacerdos?*** R. si Clericus sit, incurrit irregularitatem. Nav. in Man. c. 22. n. 7. Sayt. de Cens. l. 7. c. 10. n. 4. Bonac. de censur. D. 7. q. 3. punto 6. n. 5. Ugol. de officio Episc. c. 15. §. 6. n. 6. ubi tamen excipit Diaconum solenniter baptizantem finē facultate Parochi, si id faciat non ut sacerdos, sed ut bona fide credens se id posse (quod idem dicendum videtur de aliis Clericis) ita ut saltēm in conscientia ab irregularitate excusetur, si bona fide existimet licitum sibi esse solenniter baptizare.

**119 Q. 3. *An eandem irregularitatem incurrat cum peccato mortali Parochus excommunicatus, si etiam in necessitate extrema solenniter baptizet?*** R. affirmativè. Ità D. Th. in 4. D. 5. q. 2. a. 2. Scotus in 4. D. 1. q. 5. art. 6. Unde in necessitate Parochus talis debet absque solennitate baptizare. Imò si Laicus adsit, qui baptizare posset, Laico cedere debet; cùm tali casu absutura sit necessitas. Idem applicat Suarez t. 5. D. 33. f. 1. n. 5. illi, qui sub jacet interdicto.

**Q. 4. *An liceat sacerdoti Parochio finē omnibus solennitatibus baptizare?*** R. id non licere, nisi in casu necessitatis, sub peccato mortali,

tali, quod incurrit etiam adultus, qui omissionis causam voluntariè præbet. Ratio est: quia ambo isti graviter repugnant praxi Ecclesiæ. Solennitates verò adhibendæ habentur in Rituali. Quod si autem in casu necessitatis omissæ fuissent, sublato periculo, debebunt postmodum adhiberi. Ità rursus docet praxis Ecclesiæ. Ablutio famen, & forma omittenda sunt, si Sacramentum re ipsa constet jam esse perfectum.

*Q. 5. An graviter peccat, qui unam, vel alteram solennitatem, seu ceremoniam prescriptam omitteret?* *R.* si id fieret citra contemptum, & scandalum, venialiter tantum delinqueret. Ita Busenbaum tr. de bapt. dub. 5. cum communis. Probabilior tamen docet mortale esse, omittere Patrinum, vel non baptizare in Ecclesia, nisi baptizandi sint liberi Regum, vel Principum, quo nomine juxta Quintanad. etiam excipi censentur Grandes Hispaniæ, Comites, Barones, Legati. Sed in hoc attendendus est mos Diæcesium.

*Q. 6. An in necessitate valide, & licite baptizet Laicus?* *R.* affirmativè: si nec Parochus ad sit, nec Diaconus, nec Subdiaconus, nec Clericus alius. Ita communis. Ratio est institutio Christi, quam testatur Ecclesia Catholica; congruentia verò desumitur ex summa necessitate. Observandum tamen est: quod si vir ad sit catholicus & què gnarus baptizandi, baptizare debeat præ fœmina catholica? hæc verò præ viro hæretico, hæ-

reticus præ infideli. Ità Laym. l. 5. tr. 2.c.7.  
cum communi. Ceterum si præsente sacer-  
dote, cui ex vi Ordinis munus baptizandi  
competit, alius baptizet, mortaliter peccat;  
venialiter autem peccat, si alius dignior præ-  
sens sit, & minus dignus, supposita utrobi-  
que æquali baptizandi peritiæ, baptizet. Nec  
obstat, quod sacerdos prælens sit contentus;  
cum is talem licentiam sine injuria Ordinis,  
ac Sacramenti concedere non possit. Et  
hinc colligitur, etiam in necessitate unum  
non posse licite prævenire alterum in con-  
frendo baptismō. Gob. tr. 2. n. 142.

**Q. 7.** *An Laicus teneatur infantem non  
baptizatum, sive Parentum sit Christianorum,  
sive Iudeorum, sive Turcarum, &c. in pericu-  
lo mortis constitutum, etiam cum vita proprie  
periculo, baptizare?* Rz. affirmativè. Navarr.  
in man. c. 24. n. 9. Bon. de leg. D. 3. q. 4.p.4.  
**Palaus.** Coninck &c Quia quisque tenetur  
vitam propriam prodigere pro salute proximi  
in extrema necessitate constituti, si certus sit  
auxilium suum profuturum, qualiter hic cer-  
tus esse potest. Si vero dubitet de auxilio  
profuturo, vel solum probabiliter profutu-  
rum censeret, non obligaretur certo vita  
periculo se exponere. Idem applica adulto  
in vita periculo constituto, si nondum bapti-  
zatus baptismum expetit, vel expetere anim-  
adversus sit. Ob summam itaque Baptismi  
necessitatem, & tantam Laicorum etiam ob-  
ligationem, sollicitè curare debet Parochus,

ut

ut sui baptismum ritè conferre discant ; quoniam videlicet intentione debita materiam requisitam adhibere , & formam præscriptam debitè pronuntiare oporteat. Salubriter quoque fecerit Parochus , si identidem per annum detonuerit contra procurationem abortū , sive id fiat per incuriam , sive malitiam ex proposito , ob oculos ponendo horrendam flagitij immanitatem , ob ruinam animæ innocuæ vindictam à DEO judice severam postulantis , factus est malo dignus aeterno , qui in se peregit bonum , quod possit esse aeternum , ait Aug. de civitate DEI l. 21. c. 9. Præterea juverit explicare effectum hujus Sacramenti , & rituum significationem , ut etiam , quam magnum beneficium baptizatus quilibet in baptismo sit adeptus ; his enim cognitis populus , & baptismum pro merito aestimabit , & gratias DEO reddet frequentiores pariter , & ardenter.

**Q. 8. An graviter delinquant Parentes** <sup>123</sup> catholici , si protes suas deferant ab hereticis prædicantibus baptizandas ? R. affirmativè : si facile possint ad catholicum sacerdotem deferre . Si verò id fieri non posset citra magnam difficultatem , non peccant ab heretico baptismum expetendo . Rationem assignat La Croix l. 6. p. 1. dub. 3. art. 1. quis petere baptismationem in tali circumstantia est tantum profiteri , quod prædicans sit validus minister , qui nunc requiritur ; ceremoniæ vero ad valorem Baptismi non requiruntur .

**Q. 9.** *An si peregrina, aut viatrix pariat in alia Parochia, infantem debeat curare deferriri ad proprium, ibi baptizandum?* **R.** cum Gob. tr. 2. n. 133. melius per se loquendo a. Curam, si id fecerit. Cæterum obligationem hoc faciendi nequaquam incumbere. Hinc Barb. de officio Parochi p. 2. c. 18. n. 7. ait peregrinam sibi posse eligere locum baptismi, ubi vult; nec tamen Parochus proprius casu in partus locus delatus licet baptizaret, ut notat cit. Gobat.

**125 Q. 10.** *An unus minister plures, & an plures unum validè, & licet baptizent?* **R. 1.** Unum plures validè, & in necessitatibus casu licet baptizare. Ratio prioris est: quia tum materia, tum forma, plures (ut debet) baptizandos significans, debitè pluribus ab uno applicati potest. Ratio posterioris est, quia necessitatibus non obstat praxis Ecclesiæ, quia unus ab uno baptizari suevit; imò si dicta necessitas adsit, praxis multorum sanctorum id ipsum compofbat. **R. 2.** Si plures materialiam, & formam super uno baptizando absoluta intentione simul absolvant, utrumque validè baptizare; quia omnes supponuntur omnia requisita adhibere: licet autem baptizant, si hoc ex perplexitate, v. g. in casu necessitatis subitanæ faciant. Nec de valore talis baptismi in nostris partibus collati dubitatur. Unde fit, ut sic baptizati nequaquam rebaptizentur. Si verò unus formam ante alterum finiat, is unus validè bapti-

baptizat, reliqui invalidè, uti etiam, si singuli partialiter baptizare vellent, aut unus formam pronuntiareret, reliqui materiam applicarent. Laym l. 5. tr. 2. c. 7. n. 5. 6. 7. Fill. n. 72. Bon. &c.

**Aphorismi, ac Doctrinæ practicæ observandæ Ministro Ordinario,  
seu Parocho, desumptæ ex Go-  
bat. tr. 2, casu 8.**

**A** *Phorismus 1.* Meminerit Parochus sententiam depositionis ferri in can. *quicunque* dist. 4. de consecr. in Sacerdotem, cuius cunctatione factum, ut quis absque Baptismo mortuus sit. Ex quo sequitur, Parochos ad baptizandum infantem vocatos sine mora in Ecclesia comparere debere, & officio fungi.

*Phorismus 2.* Si in pago sit unicus Sacerdos, qui tempore sacrificij moneatur aliquam prolem recens effusam è visceribus maternis agere animam, nec esse, qui sciatur nōesse modum baptizandi, depositâ casulâ, & servatis reliquis vestibus, si locus sit vicinus, si remotus, exutis etiam reliquis vestibus, accurrat, et si jam fottè consecraverit, peractoque illam urgente negotio, redeat ad conficiendum Sacrificium.

*Phorismus 3.* Si existens in statu peccati mortalisi vocetur ad periclitantem vitâ, excitet in via actum contritionis.

**229** *Aphorismus 4.* Generatimi habeat Parochus in memoria probabiles sententias, quas de valore baptismi materiæ, intentionis, atque ministri retuli, ut ijs sine anxietate utatur tunc, quando non suppetit modus aptior, adeoque deficiente aqua naturali, & sincera, seu non mixta alijs rebus, adhibeat distillatam è rosis, herbis, fluentem ex arboribus, resolutam ex sale, lixivium, juscum, cerevisiam &c. Item accitus ad parturientem, de qua dubitatur, an sit editura prolem vivam, dicat obstetrici: si qua parte potes attingere fœtum, *in sparge* aquam in uterum, pronuntiando verba formulæ; vel ut primum prodierit seu pes, seu manus, *asperge*; nec enim absurdum est eundem instantem bis, tervè intra breviculum tempus mutatis circumstantiis, quæ valorem concernunt, baptizare sub conditione. Ac proinde si bis ita baptizatus ab obstetricie demum præter spem prodeat totus vivus, at summè debilis, Parochus ipse repetat baptismum conditum.

**230** *Aphorismus 5.* Quando periculum est, nè ipse Parochus baptizando promoveat mortem debilissimæ creaturæ, utatur solâ aspersione, et si in ejus Diæcesi præscribatur immersio; vel utatur placida immissione modicæ aquæ, & quidem te factæ, si non sit periculum in mora; vel digito intincto in aquam, aut spongiâ madefaciat frontem, qua ratione non accelerabitur mors. Quod-

~~Si~~ tamen adverteret, se mortem tali casu accelerasse, non erit tamen juxta Gobat irregularis.

*Aphorismus 6.* Licet prohibitum sit aperte ventrem Matri, ut infans exemptus possit baptizari, licitum tamen est, ac consuetum, dum Mater parturiens agit animam aliquid illius ori imponere; ne videlicet infanti obturetur via respirationis, & mox, ut mortua est Mater, eam secare, sobolemque eximere. Ceterum non improbat Parochus, si observet Matrem sumere pharmacum ad vitam suam conservandam, illatum tamen mortem proli in utero, si quidem morbus sit talis, ut, nisi sumatur medicina, tam mater, quam proles extinguedat ante partum. Ita cum Gobat, Lessius, & Conink. Secus, si neglecto pharmaco speraretur foetum perventurum ad Baptismum. Sicut licitum quidem est fugere ad evitandam iniquam mortem, licet fugiendo protritus sis, infantem baptizatum; non tamen, si infans baptizatus non est, quem fugia proterendum vides.

*Aphorismus 7.* Licet aliqui rituales libertates velint, ut aqua ter baptizando affundatur; si tamen minimum sit periculum, ne ante pronuntiatam formulam extinguatur infans, sufficiet unica, eaque modica affusio.

*Aphorismus 8.* Si Parochus prævideat in fanti mortem imminere, si deferatur ad templum; non imminere, si baptizetur do-

mi, caveat, nè curet deferri ad templum, alioquin incurret irregularitatem, si illa de-latio causaverit mortem. Unde domi refe-rat illum in Classem fidelium; in ob-servan-dis verò, aut omittendis cæremonijs à more suæ Ecclesiæ tali casu non discedat.

**134. Aphorismus 9.** Si quis adultum hominem, Hebræum, Turcam, &c. ac sensibus captum reperiat, sique vel unicus, vel unica testetur illum, cùm esset sensibus integris, petijisse Baptismum, impertiatur illum ipsi. Imper-tiatur etiam filio Judæi constituto in extre-mis, licet reluetetur Pater, vel Mater.

**135. Aphorismus 10.** Sacerdos videns Turcam, vel Tartarum, vel Judæum &c. ad suspen-dium duci, videat, ut penetret, si potest, ad eundem, & conetur ei fidem persuadere Chri-stianam, quâ perswasâ eum baptizet, seu dissimulanter, seu apertè, prout circumstan-tiæ requisiverint. Si talis in carcere conver-ti possit, convenientius est eum baptizari in carcere, quam ad patibulum. Si tamen se primùm in supplicii loco ad fidem ample-ctendam resolveret, baptizandus est ibi, o-mnesque cæremoniæ adhibendæ; imò si possit bihorio (Gobat vult etiam unâ horâ) supplicium differri, detur eidem etiam via-ticum.

**136. Aphorismus 11.** Cùm baptizandus est in periculo mortis, non sollicitetur Parochus de Patrinis: quia hì tali casu non sunt ne-cessarii. Demum caveat, nè in adhibendis sub-

deserti ad templum  
gularitatem, silla  
m. Unde domini  
adelium; in obli-  
dis ceremoniis in  
non discedat,  
uis adultum homi  
cc. ac sensibus ca-  
nicus, vel unicatu-  
ribus integris, se-  
tur illum ipsa.  
ri constituto in-  
ter, vel Mater,  
cerdos videm in  
eum &c. ad hi-  
penetret, si pos-  
idem perluaderet  
eum baptizare  
prout circum-  
alis in carcere in-  
us est eum bapti-  
bulum. Si tan-  
loco ad fidem in-  
aptizandus est in  
adhibendus; in  
vult etiam undi-  
etur eidem etiam  
um baptizandus  
folliciter. Paro-  
di casu non sum-  
at, ne in adhibe-

substantialibus sit lentior, eò quod sciat pro-  
bablem esse sententiam (*cui tamen senten-  
tia non subscriendum videtur*) aliquorum  
gravium Authorum, etiam S. Th. valere Bap-  
tismum, & conferre gratiam, dummodo ab-  
lutio, & forma cœperit, licet baptizandus ci-  
tius moriatur, quam utraque finiatur; non  
enim est ratio dicendi, quod DEUS tunc sup-  
pleat defectum.

## ARTICULUS II.

## De Obstetricibus.

**Q. 1.** An obstetrix sub mortali teneat 137  
tur discere formulam, & modum bap-  
tizandi? R. affirmativè, si ex officio obstetricatur.  
Nav. in manual. c. 22. n. 6. Henr. I. 2. c. 29. n. ult. Ratio est, quia ad hoc ex pa-  
cto obligatur, cum ad munus obstetricandi non admittatur, nisi tacitè se obliget ad bapti-  
smum administrandum in frequentibus valde  
casibus; eam verò, quæ non ex officio obstet-  
ricatur, censet Gobat tr. 2. de bapt. n. 168.  
tam rigidæ obligationi non subjacere. Ra-  
tionem dat: quia neque justitia, neque cha-  
ritas imperat, ut prospiciatur de n. edijs ali-  
cui opus habituro fortasse post sex, aut de-  
cem annos.

**Q. 2.** An Parochus sub mortali examinare 138  
teneatur obstetrices? utrum noverint necessaria  
ad baptismū conferendū, & eadem abhibuerint  
eunc, quando aliquē fortè baptizārunt. R. Cū

Laym. l. 2. tr. 2. n. 13. Gob. tr. 2. n. 169<sup>a</sup>  
 ac alios affirmativè. Intellige si nesciat esse  
 jam examinatas , probatasque ab aliquo be-  
 ne perito. Ratio est : quia obstetrices tali  
 casu sunt quodammodo Vicariae Parochi ;  
 quisque autem obligatur scire , an suas vices  
 gerens officii sui sit peritus , necne. Segneri  
 de offic. Parochi c. 19. censet examen earum  
 quot annis repeti oportere.

Q. 3. An omnes infantes ab obstetricibus  
 139 baptizati sint rebaptizandi sub conditione? 3.  
 hic spectandam esse Diæceles consuetudinem.  
 Non paucæ tamen Diæceses sunt , quæ sic  
 baptizatos passim rebaptizant , quam conse-  
 tudinem Laym. cit. reprehendere non au-  
 det , imò approbatam ait in Rit. Rom. edito  
 Antuerpiæ 1607. Ratio est : quia de pleris  
 que ab obstetricibus baptizatis prudenter  
 dubitari potest ( idem applica Laicis ) an iis  
 qualitatibus sint prædictæ , quæ requiruntur?  
 an gnatae sint necessariorum ad essentiam  
 baptismi. Deinde an verè cautæ sint , &  
 circumspectæ , sibiq; praesentes in suis omni-  
 bus actionibus graviotis momenti. 3. An  
 tam memores suorum dictorum , & facto-  
 rum ; denique tam perspectæ fidei , & probi-  
 tatis , ut , qui illas novit , non possit sine te-  
 meritate dubitare , iis esse credendum , dum  
 afferunt se ritè baptizasse. Accedit , quòd  
 experientia doceat , non paucas obstetrices  
 fuisse beneficas , aut essentialium imperitas.  
 Præterquam , quod fœminæ facile terrean-  
 tur,

tur , & trepidant in casibus repentinis. Item, quod pronissimum sit eas errare circa coexistentiam , & simultatem materiae , & formae. Nec obstat , quod interrogatz à Parocho dicant se hunc , vel illam modum tenuisse, in quo non apparet defectus : nam & tunc Parochus non semper erit tutus ; quia fieri potest , ut ipsa putent se tenuisse modum, quem non tenuerunt ; aut id ipsum dicant vel ex verecundia , vel superbia , quibus vitiis præsertim sceminae sint obnoxiae. Sitamen obstetrix sic jam esse probata , ut de bono baptismo ab ab ea collato moralis certitudo haberi posset , non foret baptismus omnino reiterandus , tametsi Parentes instarent. Excipe , nisi mos in Diæcesi esset omnes ab obstetricibus baptizatos sine discrimine rebaptizandi , qui mos , ut ait Laym. in aliquas Diæceses inductus est , in quibus experientia constat , obstetrices aliquas à diabolo seducedas in ipsius nomine baptizasse.

**Q. 4. An si obstetrix male baptizavit, etiam 140 cum periculo vite suum errorem aperire tenetur?** R. affirmativè. Si aperiendo certa sit conferendum baptismum validum iis , quos male baptizavit. Unde si profuturum videat, censet Gob. cit. eam teneri se dijudicandam judicis sistere. Ratio est : quia vita corporalis postponenda est vitæ æternæ eorum , qui male baptizati sunt , & periclitantur.

# ARTICULUS III.

## De subiecto Baptismi.

**141 Q.** *i. Quosnam Parochus validè baptizare possit, & licet?* **R.** i. Omnem & solum hominem viatorem, sicut homo quilibet, sic & Parochus baptizare potest validè. Est de fide, sumiturque veritas ex Matth. ult. v. 19. *euntes docete omnes gentes, baptizantes eos &c.* Ratio est: quia omnis, & solus homo viator est capax æternæ salutis adipiscendæ, quæ nunc per baptismum ordinariè contingit. **R.** 2. extra necessitatem licet baptizat solos curæ suæ commissos, peregrinos, & transeuntes; in casu necessitatis verò etiam alios, ut patet ex dictis.

**142 Q.** *Quid requiratur in adulto, ut validè baptizetur?* **R.** i. Requiri, ut adultus suscipiens præstet consensum, quo faciat, ut baptismus ei sit voluntarius, sive jam consensus iste præsens sit, & actualis, sive præteritus, & non retractatus, id est, virtualis, aut habitualis. Ità Inn. 3. in cap. *majores* §. Item queritur. *de baptismo.* Unde invalidus est baptismus invito collatus: item fictè susceptus; metus tamen etiam injustè extortus non obest valori. Ità Gob. tr. 2. n. 288. & 289. Ratio est: quia baptismus vel invitè, vel fictè susceptus non est voluntarius; metu autem susceptus voluntarius est, licet involuntario mistus. Si dubitetur, an invitus fit rationis compos, censem Laym. l. 1. tr. 1.

s. n. 41. conferendum esse sub conditione, si periculum sit in mora; si vero periculum non adsit, expectandum, donec manuescat; similiter baptizandum censet Sanchez in Select. Disp. D. 40. si dubitetur, an baptizandus consenserit liberè. Ac ideo, si quis cum tali consensu baptizatus fuisset, foret sub conditione rebaptizandus.

Q 3. Quid requiratur in adulto, ut liceat, & cum fructu baptizetur? <sup>143</sup> Requiri sedem, spem, & dolorem de peccato commissio, positō, quod suscipiens actuale peccatum commiserit. Colligitur ex c. ult. Marci, qui crediderit, & baptizatus fuerit &c. itēm Act. 2. Penitentiam agite, & baptizetur unusquisque vestrum. Item ex Ps. 26. salvabit eos; quia speraverunt in eo. Item ex ep. ad Heb. c. 11. v. 6. accedentem ad DEUM oportet credere, quia est, & quia inquirentibus se remunerator sit. Non est tamen opus, ut dolor sit contritio perfecta; sed sufficit pura attritio, seu qualiscunque dolor animi de peccato, ex supernaturali motivo conceptus. Ita S. Th. q. 68. art. 4. & q. 80. art. 4. ad 2. cum communī. Ratio est: quia baptismus, sicut pœnitentia, ute pote Sacramentum mortuorum, non requirit, ut suscipiens ante susceptionem sit a peccatis liberatus. Cæterum deficiente hac dispositione, baptismus validus est, neque reiterari debet etiam sub conditione; effetus tamen baptismi tunc primum conservatur, cum dispositio ista post Baptismum ponitur.

tur. Laym. l. 5. c. 6. n. 5. Curandum itaque Parocho est, ut, dum adultus ab baptismum disponitur, singulariter ad dictos actus unā disponatur.

**Q. 4.** An etiam in amente prater consensum voluntarium requiratur dicta dispositio? **R.** si perpetuò amens fuit, sicut in infantibus, nec intentio propria, ne dicta dispositio requiritur. Requiritur autem, si quandoque habuit lucida intervalla. Escobat. Theol mor. tr. 7. exam. 2. c. 4. Dum itaque talis baptizandus est, diligenter Parocho in statum illius est investigandum. Præterea sufficit in tali, si in fide tenuissime sit instructus, & forte, si explicitè non credat in SS. Trinitatem, suppositō, quod lucidum intervallum non speretur redditum. Idem censet Sanch. Disp. Select. 40. n. 41. de de constituto in articulo mortis apud Gob. tr. 2. n. 308.

**Q. 5.** An fœtus licet imperfecte figurati, si aliquod signum vitae per motum præbeant, baptizari possint? **R.** affirmativè. Ratio est: quia cùna juxta medicorum quotundam sententiā fœtus humani post paucos dies à conceptione animetur anima rationali, nec esse est, ut anima rationali tali baptismo succurratur, quanquam, si certitudo plena non sit anima præsentis, potius conferend' sit conditionaliter, quam absolute.

**Q. 6.** An etiā monstris baptismus conferendus sit? **R.** si monstrum sit procreatū ex homine masculo, & bruto fœmella, baptizari debere sub conditione. Ratio est: quia probabiliter est homo; dubium enim est,

est, an semen sœminæ concurrat ad sœtum activè. Ità Possev. de officio Parochi, p. 2.  
c. 18. aliique communiter contra Henriquez. Si autem monstrum sit procreatum ex muliere, & bruto masculo, baptizari non debet; quia certum videtur, quod non sit homo, cum ad generationem omnes requirant semen viri. In dubio autem, an sit ex bruto masculo, baptizari debet sub conditione. Cœterum benè observanda monstri constitutio, ut dignoscatur, an homo sit? an brutum? Signa pro hoc dabunt membra principalia, caput nimirum, & pectus, quippe sub quo cor est reconditum; si enim ista formam humanam habeant, signum est monstrum esse humanum, anima humanâ præditum. Si verò solum caput bestiam referat, reliqua tota constitutio hominem, dubium erit, nisi ex aliis signis veritas dignoscatur; licet enim quidam velint cor esse membrum hominis primarium, multi tamen sunt, qui capiti primatum attribuunt, cum præcipue operationes sensitivæ in capite, sive cerebro resideant. Si monstrum geminata membra referat, dubiteturque: an duplex, an unus baptismus sit conferendus? observanda operationum diversitas: si enim unum v. g. caput dormiat, alterum vigilet; unus ploret, alterum rideat; signum erit duorum hominum; ut etiam, si membra principalia caput, pectus, &c. diversa habeant: ex pluribus tamen manibus, vel pedibus certitudo vix colligetur, nisi alia sig-

gna adsint; Si periculum sit in mora , nec signa habeantur sufficientia , conferatur baptismus conditionatè ei , de quo dubitatur ; si vero non sit periculum in mora , expectetur , dum signa habeantur , & si haec habeantur , conferatur Baptismus absolute. Gob. in Exper. tr. 2.n. 278. Laym. Dicast. &c.

## A.R.T.I.C.U.L.U.S IV.

### *De consensu Parentum.*

147 **Q.** *An ad infantium baptismum nequiratur consensus Parentum?* **R.** 1. Certum esse omnes infantes validè baptizari etiam sine consensu Parentum. Ita comm. Ratio est : quia Concilia , præsertim Trid. Sess. 5. decret. de Origin. definivit semper esse validè baptizatum infantem ; neque ulla vel auctoritas , vel ratio evincit , ad valorem requiri consensum Parentum. **R.** 2. Si infans ad usum rationis pervenit , etiam licet baptizatur , si baptismum petat , etiamsi parentes refragentur. Ratio est : quia in ijs , quæ salutem concernunt , est quisque sui juris : nisi ita peteretur , ut baptizatus post baptismum velit manere infidelis ; talis enim careret dispositione , fide nimirum , & attritione , fieretque per hoc gravis injuria Sacramento. Excipit Gobat n. 325. nisi parentes esset mortem illatus nolenti baptizare. Vide dicta de ministracione Sacramenti indigno. **R.** 3. Infantes ex parentibus baptizatis

zatis nati licet baptizantur, etiam parentibus positivè invitit. Ratio est: quia Ecclesia habet jus altum in infantes baptizatōrum æquè, ac in Parentes, & si periculum perversionis à talibus Parentibus immineat, potest filios ab illis separare; quod intelligentum est universaliter, adeoque etiam de infantibus Hareticorum, Schismaticorum, apostatarum. Idem est, si unus tanum parentum sit baptizatus. Ratio est: quia proles in hoc passu sequitur conditionem parentis Christiani: cum hic saluti ipsius faveat.

4. Infantibus non baptizatis despoticè subjectis Domino Christiano, accedente sola Domini authoritate, licet baptizantur. Contrarium est, si parentes sint tantum politicè, & civiliter subjecti, ut solent esse Judæi. Ratio est: quia priores unà cum Parentibus sunt in potestate Domini, non posteriores, consequenter eorum Parentibus non fit injuria, sicut fieret parentibus posterioribus, præsertim, si ijs proles abriperentur; si vero non abripiantur, exponuntur manifesto periculo negandi fidem in baptismō susceptam. Excipe: nisi filij talium parentum perpetuo essent amentes, nec spes affulgeat eos ad usum rationis perventuros. Ratio est: quia alias omni Spirituali remedio privarentur, ac ideo tali casu violentia Parentibus illata ab injuria excusatur, propter extremam necessitatem Baptismi,

## ARTICULUS V.

## De Cognitione Spirituali.

**148 Q.** Inter quas personas eriatur impedimentum cognitionis spiritualis ratione susceptionis ex sacro fonte? qd. eas exprimi sequentibus duobus versibus:

Baptizans, baptizatus, baptizarique  
Parentes, Levans, Levatus, Levatique  
Parentes.

Ex quibus liquet baptizantem contrahere cognitionem cum baptizato, & Parentibus baptizati, baptizatum contrahere cum baptizante, & Patrini; Patrinos cum baptizato, & Parentibus baptizati. Quod tamen intelligendum non est de baptismino privato, etsi quis ex proposito munus Patrini obeat, Sanch. l. 7. D. 62. n. 14. Less. de Matr. n. 173. Kugler q. 54. 1947. &c. Ratio est: quia Patrini juxta eosdem Authores tantum adhibentur propter majorem solennitatem baptismi. Baptizans non contrahit cognitionem cum Patrini, neque Patrini inter se, neque à viro contracta transfunditur in uxorem, & è contra. Ita Barb. de off. Par. c. 18. n. 34.

## ARTICULUS VI.

## De Nomine imponendo.

**149 Q.** Quid Parochio curandum circa nominis impositionem? qd. curare illū oportet

MC,

ut , sicut Christiani à Christo dicuntur , ita baptizandus è Christi militibus , qui Sancti fuerunt , nomen suum ducat ; non autem ab infidelibus , & Gentilibus , qui Christum non cognoverunt ; nec ab alijs etiam denominantur , quæ cum Religione non sunt conjuncta , vel turpia significant : quia malum nomen habet sinistram suspicione , & ex bono nomine oritur bona præsumptio. Ita Barb. c. 18. n. 18. Idéo juxta SS. Canonum , & Conc. præscriptum , Parochus , si nomen baptizandi non esse alicujus Sancti animadverterat , moneat placentè baptizandum deferentes , ut Sancti nomen ei imponant , cujus vitam pro viribus imitari conetur , & cujus intercessione in cœlis apud DEUM uti possit.

## ARTICULUS VII.

## De fonte Baptismali.

Q. I. Ex qua materia , & qualiter baptis-  
malis fons sit fabricandus ? & hunc 150  
non debere esse ligneum , quia aqua imbibere-  
tur , neque aurichalcinum , nè ærugine tegatur ;  
sed ex lapide marmoreo , ubi facilius aqua  
conservatur. Fons hic constiuentus est in  
loco Ecclesie commodo , & bene clauden-  
dus ; nè homines aquam sumant ad su-  
perfitiones faciendas. Ita Barb. cit. n. 38.  
qui addit , & fontem , & duo vasæ saltem  
stanno , in quorum altero Chrisma , in  
altero

altero oleum Catechumenorum continetur, nitida, atque expurgata esse debere; Aquam autem Baptismalem singulis annis oportere renovari, benedictionibus solennibus adhibitis, nec non Oleo cum Christate mixtis. Modus, & tempus designantur in Missali Romano.

**151 Q. 2.** *Quid si aqua per decursum anni deficere observetur?* R. affundi debere aliquid de non benedicta. Quod idem intelligendum de oleo Catechumenorum, & infirmorum: cui oleum non benedictum, item de Christate, cui balsamum, & oleum non benedictum, admisceri potest.

## ARTICULUS VIII.

### De libro Baptismali.

**152 Q. 1.** *Quid Parochio observandum circa librum baptizatorum?* R. conformiter Trid. Sess. 24. de reform. Matr. c. 2. Omnia baptizandorum, eorundemque Parentum, ac Patrinorum nomina, & cognomina cum annotatione anni, mensis, diei, ei inseri debere.

**153 Q. 2.** *Qualiter peccet Parochus, qui scienter, vel ex negligentia frequenter, seu plus res baptizatos non inscribit?* R. cum Quintan. sing. tract. 2. sing. 2. Possev. q. 44. Parochum tali casu graviter peccare. Pro ratione hujus sententiae rigidæ sunt incommoda, & damna, quæ ex tali negligentia consequuntur,

tur, quando videlicet aliunde saepe sciri non potest ætas pro Ordinibus, Professione, Matrimonio, Jejunii inchoatione necessaria. Item pro liberatione ex Tutela, Minorennitate &c, item cognatio spiritualis, ut & Parentes.

Q. 3. *Quid circa Patrinos inscribendos observandum?* R. quando se plures Patrini, quam admissit Trid. Synod. loc. cit. offertunt, inscribenda sunt duntaxat nomina duorum selectorum à Parochio. Quodsi vero Parochus plures inscriptissime deprehendetur, censet Gob. tr. 2. s. 2. n. 593. Judicem, cum de Matrimonio dirimendo agitur, posse prudenter præsumere illos duos, qui primo loco sunt scripti, fuisse solos admissos à Parochio ut veros Patrinos. Quando quis per Procuratorem levat aliquem de fonte, prvidè agit Parochus, si scribat nomina utriusque, addatque, quis mittens fuerit, quis Procurator. Similiter etiam explicandum est, si quis Patrinum agit in baptismo non solenni, vel conditionato; sunt enim non pauci probati Authores, inter quos Less. Coninck. Bon. apud Kugler p. 2. c. 4. §. 3. n. 1364. & Q. 54. n. 1947. dicentes, cognitionem contrahiri,

## ARTICULUS IX.

### De Patrinis.

Q. 1. *Quis sit Patrinus?* R. cum Laym. I. 5. tr. 2. c. 9. n. 1. Patrinus dicitur quasi

P. Herzig Men. G. Spi-

*Spiritualis Pater, nutritius, ac padagogus baptizandi*, sive ille, qui spondet, se habitu-  
rum Paternam Spiritualem curam ejus, qui baptis-  
mum est recepturus, in instructione fidei. Unde obligatio Patrinorum est in fide in-  
struere eos, qui baptismum receperunt, sive  
id fiat per illos ipsos, sive per alios. Hoc au-  
tem intelligitur de casu, quo baptizati aliun-  
de instructionis copiam non habent, sicut  
passim habent in terris nostris. Quae ratio est,  
ut teste eodem Laym. Patrini, ubi baptizati  
inter fideles educantur, hac obligatione ferè  
liberentur. Porro sponsio pro hac obliga-  
tione tacitè fit, quando Patrus baptizatum  
suscepit, etiamsi nihil respondeat. Susceptio  
autem fit vel baptizandum tenendo, vel  
eundem è manibus baptizantis suscipien-  
do. Proinde sola assistentia non sufficit,  
nec responsio ad catechismum, quem facer-  
dos recitat.

**156** Q. 2. *Quæ requirantur ad validè exerce-  
dum munus Patrini, & cognationem contra-  
bendam?* R. tria requiri. 1. Debet habere u-  
sum rationis; debet enim voluntariè velle fa-  
cere id, quod instituit Ecclesia; ætas tamen  
certa non requiritur. Sanch. l. 7. disp. 61. ro-  
ta. Nav. Henr. & alij passim. 2. Debet esse  
baptizatus; quia qui non est baptizatus, non  
subjacet Ecclesiæ, adeoque nec contrahit co-  
gnationem spiritualem. Sanch. cit. disp. cit.  
D. 60. Tolet. Sylv. &c. 3. Debet habere  
debitam intentionem; quia debet velle fa-  
cere

cere id saltem implicitè, quod fieri vult Ecclesia, adeoque baptizandum non realiter tantum tenere, sed formaliter gerere munus Patris spiritualis. Ita communis.

Q. 3. Quæ ad licetè exercendum Patrini 157 munus requirantur? R. requiri 1. ut sit tantum unus, vel una sive vir sive, fœmina, vel summum unus, & una. Unus tantum promare baptizando; una tantum pro fœmina baptizanda, requiritur à priscis Canonum statutis: Trid. verò admittit Sess. 24. de Refor. Matrim. c. 2. unus, & unam, seu duos ad summum. Hinc colligit Barb. cum alijs copiosis, quos citat de Officio Parochi parte 2. c. 18. n. 23. nec Episcopum dispensare posse, ut duo viri, vel duas fœminas simul suscipiant: cum super Conciliari Constitutione protestatem dispensandi non habeat. Minus itaque probandus est mos eorum locorum, ubi pañim admittuntur tres patrini. 2. Ne sit hæreticus, vel hæretica; si tamen gravis causa, aut necessitas postulet, admitti potest, ut hæreticus ad suscipiendum infantem admittatur. Hæc proinde causa, & necessitas dijudicanda est Parocho, & hac non reperta, ut si facilè catholicus Patrinus haberi, & parentes ad eum disponi possint; quod in plurimis locis Germaniæ facilè contingit, omnino hæreticus admittendus non est: si vero causam talem, & necessitatem repererit, qualis adesse potest, & solet in locis purè hæreticis, potest hæreticus admitti, cui licet

non incumbat spondere, se baptizatum instrutum in fide; Laym. tamen teste l. 5. tr. 2. c. 9. 7. incumbet illi, ut spondeat, se Catholicam fidem in eo non impediturum. Porro, quod instructio in fide ab haeretico Patrino non exigatur, ratio est: quia temporibus his facile aliunde haberi potest. Si perversonis periculum opponatur, hoc admodum est remotum, ita cit. Laym. Haereticam autem prolem ab haeretico ministro baptizatam, dummodo baptismus validè conferatur, licetè suscipit Catholicus ad id rogatus in nostra Germania; quia suscipiendo non communicat cum haereticis in aliquo, quod veræ fidei opponitur; nec ullo modo concurrit, ut baptismus modo indebito administretur. Impedit insuper, ne haereticus, alioquin adhibitus, spondeat se baptizatum in fide haeretica instructum. Exceipe, nisi eum in finem adhiberetur ab haeretico Catholicus, ut se ad haeresim inclinatum proficeatur, aut modum baptizandi haereticum approbet. 3. Requiritur, ne Patrinus, vel Matrina, extra necessitatis Casum sit Pater, vel mater. Unde graviter peccant parentes, si citra necessitatem munus Patrini obeant. Cognitionem tamen probabili ter non contrahunt: quia hoc nullo jure legitur cautuu, & quod fuit olim, videtur revocatum c. si vir de cognitione spirituali. Oppositam tamen communem centet Sanch. l. 9. D. 26. n. 6. 4. Nè Patrinus, vel

Ma.

Matrina sit Religiosus, vel Religiosa; quia illis etiam prohibetur c. non licet, de consecratione Dist. 4. & alibi; transgressio tamen veniale non excedit, ut docet Quintan. de Baptis. 5. Ut Patrinus sit designatus, quæ designatio pertinet i. & per se ad Parentes, dein ad Parochum. Dum vero omittitur designatio, probabilius hodie post Trid. nemo contrahit cognitionem. Ratio est: quia nemo est vere Patrinus: cum tanquam de forma substantiali Trid. requirat ejusmodi designationem. Ita Tamb. L. 2. de bapt. c. 4 §. 2. Quod si designarentur plures, quam unus, & una, & Parochus illos admitteret (quod mortale foret ex sententia Leandri, veniale ex Sanchezii) probabile est neminem tum contrahere cognitionem. Ita Suarez de Sacram. ad q. 68. n. 8. Ratio est: quia Trid. voluit ad summum unum, & unam; adeoque si substantialis haec conditio desit, probabiliter videtur, reliquos non esse vetos Patrinos. Quod si emnes tangant insimul, nemo ex illis contrahit cognitionem. Ita cit. Suarez. Excipe, nisi Parochus tunc, cum plures à Parentibus designati sunt, errorem Parentum correcturus, certos duos ex illis designet.

Q. 4. An mittens Procuratorem fiat Patrinus? 158  
 Bz. Affirmative, si Procurator teneat infantem in Baptismo solenni, vel dando cum immediate baptizaturo, vel accipiendo immediate ex manibus ejus, qui baptizavit, ita

Gob.

Gob. tr. casu 17. Si verò teneat in Baptismo non solenni; vel dum sub conditio-ne baptizatur ; vel si duntaxat assistat exorcismis , & abrenuntiationibus , respondeat que loco infantis , ejusque Nomen dicat, nec mittens , nec Procurator Patrinos fit juxta Perez disp. 29. Sanch. L.7. disp.5.n.6. cum alijs. Ratio eorum est : quia nec omnes, nec singuli hi communiter sunt sufficietes ad rationem Patrini.

## ARTICULUS X.

### *De Materia Baptismi.*

159 Q. 1. Quotplex sit materia Baptismi? R. eam esse duplicem proximam, & remotam. Proxima est ablutio, remota omnis, & sola aqua elementaris , seu naturalis apia ad abluendum. Ita definitum est à Flor. Later. Trid. fundatürque in illo Joan. 3. Nisi quis renatus fuerit ex aqua &c. Quia verò difficultas magna non raro est in disserendo, quænam aqua verè sit elementaris , consequenter quænam sit materia valida Baptismi.

160 Q. 2. Quænam aqua sensenda sit verè elementaris , & naturalis , consequenter materia valida ? R. aquam elementarem , & naturalem solam esse eam, quæ sive ex mari sit, sive fluvio, sive palude, sive fonte, sine alia adjunctione dici solet aqua , ut habet Catechismus Romanus tit. de Baptismo. Nec obstat, quod accidentaliter sit immutata colo-

re, sapore, vel admixtione non notabili alterius liquoris, aut corporis solidi v. g. sulphuris, metalli, lutti. Ex quo sequitur validam esse materiam sulphureorum balneo-rum, lixivii, aut res alias, si admixtio non sit notabilis. Naturalis etiam aqua est aqua roris, pruinæ non concretæ, conflata ex vaporibus v. g. hieme ex parietibus exsudans, vel in ollarum operculis reperta, quando ollis aquâ repletis subjicitur ignis. Naturalis denique aqua est aqua ex nive, glacie, grandine, item decurrentis ex balneo, quamvis odoris sulphurei.

Q. 3. Quæ aqua sit dubiè naturalis, conse. 161  
 quenter materia dubia, quæ deficiente materia valida, est substituenda sub conditione: si est valida? R. quæ ex liquoribus herbarum ex-primitur, ut aqua rosacea; vel quæ ex sale concreto eliquatur; vel cum aliudcorpus, aut liquor notabilius admiscetur, ut atramentum; item quæ ex arboribus, aut ligno vitis profluit. Item aqua extracta ex vino. Dubia hæc materia, sicut adhiberi potest licet in necessitate, sub conditione: si est valida; sic extra necessitatem illam adhibens peccat mortaliiter, cum sine causa exponat salutem infantis periculo.

Q. 4. Quis liquor simpliciter non sit aquana-162  
 turalis, consequenter materia invalida? R.  
 omnes illi liquores, qui ab ipsa specie diffe-runt, quale, omnium opinione, est vinum,  
 mel, oleum, aqua usta, urina, lachrymæ, saliva,  
 sudor,

fudor, lixivium forte, jusculum saltēm illud, quod sic est inspissatum, ut, quemadmodum Busenb. hic loquitur, usum communem, & estimationem aquæ non retineat. Item nix, gelu, glacies; nisi resolvantur: ut & lutum densum, nisi aqua exprimatur.

**163. Q. 5.** Quo: uplex sit ablutio, seu materia proxima Baptismi? R. esse triplicem; alia enim sit per immersionem, alia per notabilem aspersiōnem, alia per affusionem pariter notabilem in corpus, ipsum corpus contungendo, non quidem totum, sed secundum principalem aliquam partem; sic enim absolute dicitur ablui. Propterea necessariò sive ex Ecclesiæ præcepto, sive consuetudine solet fieri in capite, vel pectore, vel scapulis. Ordinarius ablendi ritus de factò est ablutio per affusionem, quæ ut valida sit, non sufficit minima aliqua gutta, sicut nec in aspersione, sed debet esse quantitas tanta, ut baptizatus possit dici moraliter ablui.

**164. Q. 6.** Quando valor ablutionis censeri debet esse dubius? R. id evenire 1. ex parte forme, si baptizans formam dubiam adhibeat. 2. Ex parte baptizati, si quis in capillis tantum, aut minus Principali parte, ut manu, pede, vel ut habet Laym, I. s. tr. 2. c. 3. n. 3. si infans in secundina, quâ involutus nascitur, abluitur. 3. Ex parte aquæ, si nimis aqua sit dubiæ naturalis, vel nimis exigua quantitas adhibeat, quæ dubium reddat, an moraliter sit ablutio. Ratio est: quia in his casibus

ibus de valore nec ex Scriptura, nec SS. PP.  
satis constat, nec DD. satis consentiunt.

## ARTICULUS XI.

## De forma Baptismi.

**Q.** 1. Qua sit forma sufficiens & necessaria ad valorem Baptismi? **R.** hanc esse, quæ in Ecclesijs Occidentalibus est usitata: *Ego te baptizo in nomine Patris, & Filii, & Spiritus Sancti, Amen.* Vel certè illam, quæ huic æquivalet. Tales sunt duæ formæ Græcorum à Flor. ut validæ approbatæ: *Baptizatur servus Christi in nomine Patris, & Filii, & Spiritus Sancti.* Et: *Baptizatur servus Christi in nomine &c.* Non valerent tamen hæc formæ, si ly baptizatur, aut baptizetur, sumeretur præcisivè, non subintelligendo à me, seu non significando personam ministri; hæc enim necessariò exprimenda est, ut ex sequenti Q. constabit.

**Q.** 2. Ex quo signo colligi possit, aliquam formam consueta aequivalere? **R.** si quinque habeat requisita. 1. Ut per illam indicetur persona baptizantis, seu jam explicitè, seu implicitè. 2. Ut indicetur actus baptizandi. 3. Persona baptizandi. 4. Unitas Divinitatæ naturæ quod, fit per voces: *in nomine.* 5. Trinitas personarum, idque explicitè, & distinctè. Ita Fill. Laym. Bonac. cum alijs. Hinc quia omnia enumerata exprimuntur, nec aliud substantialiter immutans, additur,

aut demitur, validæ sunt formæ sequentes:  
**I**ch tauſſe dich im Nahmen Gottes des Vaters / Gott des Sohns / Gott des Heiligen Geistes. Ego te baptizo in nomine Patris, Filii, Spiritus Sancti. Ego te baptizo in nomine Patris, Ego te baptizo in nomine Filii, ego te baptizo in nomine Spiritus Sancti. Ego te baptizo in nomine Genitoris, Geniti, & ab utroque procedentis. Quam ultimam tamen Authores aliqui inter dubias collocant. Econtra ob rationem oppositam invalidæ sunt sequentes: *in nomine Patris, & Filii, & Spiritus Sancti*, omisso ego te baptizo. Ego te baptizo *in nominibus*. Ego te baptizo *in Patre, & Filio*, vel *in Patre cū Filio*, vel per Patrem, & Filium. Ego te baptizo *in nomine Patris, & Filii, & gratiâ Spiritus Sancti*. Ego te baptizo *in nomine SS. Trinitatis*. In nomine Dei Unius, & Trini. In nomine trium Personarum. Ego te baptizo *in nomine Patris per fidem, vel in fide, virtute, majestate Patris*. Ego te baptizo *in nomine Domini nostri IESU Christi*.

**167 Q. 3.** Quæ sit regula dignoscendi corruptionem formæ obſtare valori? R. bene illam assignari à Suar. disp. 2. Sect. 4. ubi sic: necessarium uon est, ut verba per ministrum corrupta habeant per se sumpta in rigore significationem à Christo intentam; sed satis est, ut ex modo, quo hic, & nunc proferuntur juxta communem concipiendi modum talem enīsum ingerant audientibus. Licitè tamen cor-

corruptio talis, sicut omnis alia mutatio accidentalis, extra necessitatis casum non adhibetur. Unde manendum accurate penes illam, quæ in Ecclesia, & Dicecibus est recepta.

**Q. 4. Quando licitum sit adhibere formam dubiam?** R. cum Gob. n. 79. Less. in 3o par. 60. q. n. 29. tunc solùm, & semper, quando instat necessitas baptizandi, & qui baptizare deberet, dubitat, qualia verba sint adhibenda; tunc enim præstat adhibere formam dubiam, quæ nullam, ut consulatur periclitantis saluti, quantum consuli potest.

**Q. 5. An peccet baptizans, si totam formam proferat ante, vel post ablutionem?** R. peccare; quia sic administratus Baptismus est, si non nullus, certè dubius, stante in partem utramque gravissima Authorum sententia.

## ARLICULUS XII.

### De Baptismo iterando.

**Q. 1. An rebaptizandi baptizati ab Hereticis?** R. hoc valere regulam, quam tradit Dicastillo disp. I. de bapt. n. 18. nisi constet sat prudenter nullum circa materiam, & formam errorem irrepuisse, non video, cur sub conditione rebaptizar, non debant; tamen hæc omnia judicio prudentis committenda sunt, & semper inclinandum in tuiorem partem conferendi sub conditione baptismum.

**Q. 2.**

**171 Q. 2.** *An enim conditione rebaptizandi infantes expositi cum scheda attestante eos esse ritè baptizatos?* *p.* affirmativè. Ità statuit Syn. Constantien. p. 1. lib. 6. n. 6. Mediol. sub S. Carolo Borr. tit de Bapt. insan. Cameracensis, apud March. in resp. Pastor. de Sacr. tr. 2. cap. 2. Ratio est: quia ejusmodi scheda non parit ullo modo certitudinem moralē. Unde enim constat baptizantem rite baptizasse, tametsi scheda id affirmet?

**172 Q. 3.** *Quanam circumstantia sint observande?* *p.* 1. si omnibus probè examinatis, & quantum res patitur, seu requirit, consultò unò, alteròve virò peritò, sine hæsitatione judicas baptismum verè fuisse nullum, repetendus est sine conditione; cum conditione vero, si rationabiliter times, nè fuerit nullus. 2. Si rebaptizandus est adultus, debet elicere Fidem, Spem, & Attritionem de peccato personali, mortali, si alicujus sibi conscientius est: nisi v. g. ob amentiam horum actuum incapax esset. 3. ut Quintan. tradit sing. tr. 1. sing. 17. potest conditionatus talis baptismus conferri quoconque loco, & à quoconque etiam Laico. Canones enim communem modum solùm requirunt in baptismo absoluto. Unde si notoria est invaliditas, rebaptizandus est publicè, & à Sacerdote. Laim. l. 5. tr. 2. c. se quamquam id etiam in conditionato expedit. 4. Non opus est adhibere ullos patrinos; quia obligatio eorum non debet ori-

oriri ex canâ omnino incerta. Si in pri-  
mo baptismo adhibitæ sunt ceremoniæ, ne-  
quaquam est opus, eas iterare; sed cau-  
tè supplendum, quod incantè fuerat præ-  
termissum: Si verò ceremoniæ sunt omisæ,  
sunt repetendæ. 6. In rebaptizando formu-  
la hæc adhiberi potest: si baptizatus es, non  
te baptizo: sed si nondum baptizatus, es ego te  
baptizo &c. cap. de quibus. de Bapt. & ejus  
effectu. 7. Rebaptizans tametsi irrationalibili-  
ter dubitans, non incurrit irregularitatem;  
cum hæc lata sit solùm in rebaptizantes sci-  
enter. 8. Tam rebaptizans, quâm permit-  
tens se rebaptizari, plectuntur capite. L. 1.  
& 2. Cod. ne Sanct. Bapt. iteretur, si videli-  
ceret uterque sit certus de validitate prioris  
Baptismi. Sed dubius de suo baptismo,  
quamdiu nequit formare opinionem proba-  
bilem, se validè esse baptizatum, peccat mor-  
taliter Sacramentum quocunque aliud su-  
scipiendo; quia sic dubius tenetur vel pro-  
curare Baptismum, vel abstinere à reliquis  
Sacramentis. Ità Dicast. n. 216. Cæterùm  
si hanc formare possit de jure, quia videli-  
ceret alii negant, alii affirmant, validum  
fuisse Baptismum, potest suscipere Sacra-  
menta alia præter Ordinis Sacerdotalis,  
& Episcopalis. Ita Gob. n. 415.